



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput VI. Designantur tempora, quibus obligat primum mandatum.

[urn:nbn:de:hbz:466:1-73203](#)

Sufficit enim attritio cum confessione, si comode fieri possit. Aliquo tempore teneri, censet Suarez. At quo? Tuo iudicio remisisti, ipse nesciit. At quod ille nescivit, quis sciat nescio. Unde pag. 12. concludit, quod Deus non tam præcipit amorem sui, quam odium vetat, sive formale & actuale (quod non humanum, sed diabolicum est) sive materiale, quod in mandatorum transgressione possum est. Et pag. 16. necnon in responsu ad libell. famos. pag. 24. Non parum esse, si semel in vita uno amoris actu fungemur, atque hoc plus fieret, quam quod in rigore præcipitur. Et rursus pag. 16. citata: Deus præcepit amorem suum habet si sibi in aliis mandatis pareatur. Ita Sirmondus.

26 In cuius discursu observarre licet ludificationes rationis humanae, sibi relicta, dum nimis auscultatur. Siquis enim cum scholæ Angelo velit, divini amoris actum in principio uis rationis elicendu, nimis festinum esse dicit. Si in fine vita, nimis seruum. Si tempore intermedio, quod Suarez determinate nesciat; quod ipse determinare nescivit, ab alio determinari non posse concludit. Et sic primum maximumque divinae dilectionis mandatum eludit. Iffiuimodi illusionibus elusionibique pleni sunt Casuistarum libri, in ratione pure humana, magis quam in autoritate divina, Sanctorumque doctrina fundati.

27 Iltis nimium infictis P. Tressius, Author Thecos in Muscipontano Societatis Collegio defensæ 1. Januarii 1689. cum Sculteto Lutherano tandem conclusit, quod Deum ultimum finem homo non tenetur amare, neque in principio, neque in decursu vita sua moralis. Vedit enim magnum divinae dilectionis mandatum à Sirmondo suo figuratè exponi de dilectione non formalis & interne, sed de externa & figurali, quæ sola in rigore præcepta fit. Hanc esse Sirmondi mentem à Wendrockio notâ x. in x. epist. provinc. vidit perpicuè demonstrari, omnesque in oppositum cavillationes manifestè dissipari. Vedit ab altero Socio suo in libro cui titulus: Reliquia Abbatis S. Egiriani, opinionem illam probabilem asseri: eis in scholis valedi probetur illa sententia, que irauit præcipi quinque, ut in vita aliquem eliciat charitatis actu, etiam extra pœnūculum mortendi sine confessione, contrarium tamen esse probabile, & ceriè difficile effet ullum caput proferre, unde ista obligatio defluat. Vedit ad istam opinionem proxime accedere Tamburinum, Azorium, imo & Magnum Suarezium suum quodad istius opinionis probabilitatem. Iltis ergo animatus Professor ille Muscipontanus, non erubuit impissimam hæresim illam tradere, quâ unâ totius naturæ vocem, tot divinae Scriptura oraculis concordatam, universam quoque legem & Prophetas, totam denique Christianam Religionem funditus everit. Si-

quidem primo maximoque dilectionis Dei mandato, ac secundo (huic simili) dilectionis proximi, universalis & Prophetæ, totaque Christiana religio finaliter continetur. Non alio quippe sine Dei Filius incarnatus & passus est, non alio resurrexit, non alio sanctum misit Spiritum, nisi ut divinae dilectionis ignem accenderet in fideliū cordibus. Nec aliud (inquit Augustinus) Scriptura præcipit, nisi charitatem. Una proinde illâ hæresi universam legem & Prophetas P. Tressius destruxit, Incarnationis consilium exinanivit, Christianæ Religionis cor & animam invastit, primariamque Christiani hominis obligationem extinxit, cùm præcipua Christiani hominis obligatio sit in spiritu & veritate adorare & amare Deum velut Creatorem ac Redemptorem iuum, & velut finem suum ultimum, in quem omnes morales actus suos, totamque moralem vitam suam, & omnes partes illius ipsum referre oporteat, nec sibi vel momento vivere, sed Creatori, Redemptori & Glorificatori suo, ita ut Deus esse debeat hominis, & omnis actionis humanae finis ultimus, uti to. 1. demonstravimus, velut ex sacris Litteris, sanctis Patribus & ratione certissimum.

C A P U T V I.

Designantur tempora, quibus obligat primum mandatum.

Negari ergo non potest, primum maximumque divinae dilectionis mandatum obligare nedum in principio & fine vita moralis, nec solùm aliquoties intermedio tempore, sed in omni parte illius, prout eodem tomo 1. demonstratum, atque hoc loco breviter reperendum exponendumque est.

Recolendum itaque ex ibi dictis, primum mandatum ad duo obligare. Primo, sub mortali, ad hoc ut Deus solus, actu vel virtute, semper sit finis ultimus hominis, sive agentis. Secundo, sub veniali, ad hoc ut Deus sit finis ultimus cujuslibet actionis humanae, seu deliberatae.

Deum esse finem ultimum hominis, seu (ut alii) agentis, vel vitae & cordis, est Deum esse finem ultimum simpliciter, cui utique præ ceteris vivitur, in quæ vita & cor hominis præcipue tendit, in quo præcipue delectatur & requiecit, quique proinde super omnia alia amat, amoreque ceteris ambris prædominante diligitur. Deum vero esse finem ultimum cujuslibet humanæ actionis, est quamlibet actionem humanam in Deum propter se dilectum referre, ita ut quælibet hominis actio deliberata ex aliquo Dei propter se amore finaliter proficiatur.

Quoad primum ergo incunctanter aſſe. 3.

E c 3

rimus 1°. cum S. Thoma 1. 2. q. 89. a. 6. ad 3. & cum S. Francisco Salesio lib. 10. de amore Dei c. 6. hominem à primo momento usū rationis teneri Deum diligere velut finem suum simpliciter ultimum, & quidem super omnia, amoreque cæteris amoribus prædominante, idque sub mortali.

33 Ad cuius evidentiā, sapienter observat Denuntiator doctrinæ RR. PP. Collegii Anglicani Soc. Jesu denunt. xiiii. pag. 8. dum hic sermo est de usū rationis, non usum qualecumque intelligi, sed plenum ac perfectum, qui sufficiat ad deliberandum de rebus magnis, ut de fine vitæ sibi constitudo, de eligenda salute vel damnatione æternâ, de diligendo Deo vel mundo.

Quodque usū iste non simul & semel, sed tensim acquiritur. Mens enim primum carni & sensibus tota immersa, capere non potest nisi carnalia & spiritualia; nec ratione regitur, sed sensu: deinde à carne & sensibus paulatim emergens, nunc se veluti supra illa atollit, nunc iterum iis obruta succumbit; donec tandem ad perfectum & plenum rationis usum enatur.

Porro incertum est, quantum ad hoc temporis requiratur; an hebdomada, an mensis, an trimestre, an annus medius, an totus, an amplius. Videas enim pueros quinque annos aut sexennos, de quibus dubitare non possis, quin aliquando ratione utantur: sed an usū rationis adeò plenus & perfectus sit, ut sufficiat ad peccatum mortale, forte non immerito dubitabis usque ad septuennium, vel octuennium. Id certum, alius citius, aliis tardius, plenum illum usum contingere: quamquam quo tempore alicui contingit, definire difficillimum.

Dum autem plenus iste usū nondum contigit, nihil obstat videtur, quominus ad usū rationis sufficiens ad peccatum veniale. Si enim juxta omnium Theologorum sententiam, aëtus aliquis ex objecto mortali malus, fieri possit venialis propter in-deliberationem, seu imperfectum rationis usum, quo committitur: quidni propter similem rationis usum adhuc imperfectum, venialiter possint peccare pueri, priusquam usū perfectum acceperint ad peccandum mortaliter.

34 Ex his intelligitur, quale tandem sit primum istud instans rationis, quo docent Theologi teneri hominem amore prædominante Deum diligere, cumque sibi ut vita, finem constituere. Neque enim hic cogitandum instans physicum, quod ad plenum istum ac perfectum rationis usum acquiri rendum minimè sufficit; sed instans quodam morale, quod plures dies, hebdomadas, menses, & forte annum, aut amplius complectitur.

Nam primum instans morale illud dicitur, quod à primo rationis diluculo usque ad

ulium rationis plenum & perfectum habitur. Hoc autem ad longum non raro tempus extendi, ipsa experientia convincit.

Sic explicata S. Thomæ doctrina de precepto diligendi Deum super omnia primo instantे usū rationis, nulli mira aut dura videri poterit. Quis enim miretur preceptum istud imponi pueris, non mox ut aliquem rationis usum acceperint, sed tunc cùm post usum rationis imperfectum, satis forte diuturnum, quo incipere potuerunt imperfæctè Deum cognoscere & amare, tandem pervenient ad usum rationis plenum & perfectum, quo possint ipsum amare super omnia?

Cæterum quia verosimile est, imperfectum aliquem rationis usum incipere sati certò, incertum vero, quo tempore adveniat usū rationis plenus & perfectus, dubet in hoc Parentum, Magistrorum, & Tutorum cura sollicitè desudare, ut parvulis ab ipsa infantia Deus tanquam super omnia amabilis proponatur, ut infilletur amor virtutum, horror vitiorum, &c. Nam postquam se per actus amoris Dei imperfectos diu antè exercuerint, non adeò ipsi, dum ad perfectum rationis usum venerint, difficile erit amorem Dei super omnia elicere. Ubi aliqui, si non nisi mundum, dum usū rationis adhuc imperfectus erat, diligere dicierint, difficillime profecto Deum dingen super omnia, dum venerint ad usum rationis perfectum.

Ad id verò ipsos teneri probant rationes sequentes. Prima: rationem ad hoc homo accepit, ut deliberet de fine suo ultimo, ad quem se debeat super omnia convertere, quamprimum potest. Istud est enim negotium negotiorum, cui per totam vitam rationalem, seu morale, præ ceteris se debet applicare. Ad hoc quippe rationem accepit, ut verè sapiens & intelligens sit; vera autem sapientia intelligentia nulla est, nisi in cognoscenda & amanda beatitudine sua. Creaturæ autem rationali alia beatitudo non potuit, nec potest esse, nec poterit, nisi ut agnoscentis a quo non solum facta, sed etiam a quo rationalis facta est, majorem dilectionem exhibeat bono Creatori, quam sibi. Neque enim ei inesse posset ullatenus ratio, nisi ei inesse posset Creatoris dilectio. Quia nec est utilia, qua vera sit sapientia vel intelligentia creatura rationalis, nisi dilectio Creatoris, inquit Fulgentius l. 1. ad Monim. c. 17.

Secunda ratio: innumeris homo titulis Deo debet primitias suæ libertatis, sui cordis, amorisque in se dominantis: ad hoc quippe significandum Deus olim exigebat prioritias frugum, animaliumque primogenita.

Tertia ratio: cum quilibet (ut S. Tho mas ait q. 28. verit. a. 3. ad 4.) à principio usū rationis teneatur peccatum vitare, & hoc fieri non possit, nisi præstissimo sibi debito fine ultimo, tenetur quilibet, cum primò sua men-

is est compos, ad Deum super omnia se convertere, & in eo finem simpliciter ultimum constituer. Enimverò, uti D. Basilius ait in Psal. 1. ad v. 1. adhuc in prima etate existentes homines, neque in virtute sumus, neque in virtute Postquam verò ratio nostra fuerit completa, tunc fit quod scriptum est Rom. 7. v. 9. Ubi venit mandatum, peccatum revixit; ego verò moriebar. Nam reverà, ubi venit mandatum, id est cognitio bonorum, si non pejora cogitatione dominatus fuerit, eam per amorem Dei prædominantem subjiciendo, sed rationem ab affectionibus in servitatem redigi concesseris, revixit quidem peccatum; moritur autem mens, per delictum mortua facta. Quasi dicat, rationem à pravis tunc affectionibus in servitatem redigi, si eas ipsa non subjiciat divinæ legi per amorem Dei prædominantem.

³⁸ Et hinc defumitur ratio quarta, quia, ut ibi Basilius innuit, & Augustinus expressè tradit, & dum ratio completa, seu plena & perfecta fuerit, in corde hominis per amorem pravis affectionibus prædominantem non regnet Dei charitas, regnare ac prædominari incipit carnalis cupiditas, quam pro fine ultimo bonum habetur creatum, adeoque peccatum incurrit mortale. Siquidem regnat carnalis cupiditas, ubi non est Dei charitas, inquit Augustinus Enchiridii 117. Et duo amores sunt, ex quibus omnes prodeunt voluntates.... Rationalis enim animus, qui sine dilectione esse non potest, aut Dei amator est, aut mundi, ait S. Leo serm. 5. de jun. 7. mensis. Quod est dicere, quod rationalis animus, qui sine dilectione esse non potest, aut Deum præcipue diligit, aut creaturam. Semper enim aliquid est, quod præcipue diligit. Vel ergo Deum, vel creaturam. Cum medium inter Deum & creaturam non detur. Quod sine amore rationalis animus esse non possit, similiter affirmit Augustinus præfat. in Psal. 31. & 121. Fulgentius loco citato cap. 18. Gregorius I. 18. Moral. c. 8. Author libri de substantia dilectionis (apud Augustinum) c. 6. Quia (inquit) vita cordis amor est; & idcirco impossibile est, ut sine amore sit cor, quod vivere cupit. Et sicut in corde hominis semper est aliquis amor, qui super reliquos affectus tenet principatum (in cor enim amor cum advenerit, omnes in se iradicat & captivat affectus, inquit Bernardus serm. 8; in Cant.) sic in corde hominis semper est aliquis amor super reliquos amores principatum tenens, sive qui præ cæteris amoribus possessor & dominator est cordis ipsius. Ideo enim (secondum Augustinum) regnat carnalis cupiditas, ubi non est, sive ubi non dominatur Dei charitas.

³⁹ Ideo etiam duos tantum amantium ordines idem Augustinus agnoscit, quorum alii Deum super omnia amant utique ad contemptum sui; alii seipso usque ad con-

temptum Dei: Fecerunt civitates duas amores duo, terrenam scilicet amor sui usque ad contemptum Dei; celestem verò amor Dei usque ad contemptum sui. L. 14. Civit. c. ult. Igitur, secundum ipsum, inter has civitates medium non datur, sed unusquisque vel civis est civitatis terrena per amorem sui usque ad contemptum Dei; vel est civis civitatis celestis, per amorem Dei usque ad contemptum sui. Per consequens unusquisque vel Deum habet pro fine simpliciter ultimo, vel creaturam. Nec medium inter duos hosce fines ultimos Augustinus magis agnoscit, quam inter duas illas civitates.

Denique istam etiam præcipue ob causam l. 2. de peccat. merit. & remiss. c. 18. dicit, quod voluntas mirum si potest in medio quodam ita consistere, ut nec bona, nec mala sit. Aut enim justitiam diligimus, & bona est; & si magis diligimus, magis bona; si minus, minus bona; aut si omnino non diligimus, non bona est. Quis verò dubitet dicere, voluntatem nullo modo pessimam diligentem, non modo esse malam, sed etiam pessimam voluntatem? Neque enim pessimam Augustinus esse dicit voluntatem nullo modo justitiam seu Deum diligenter, nisi quia eo ipso Deum non habet pro fine ultimo, sed creaturam.

Quinta proinde ratio est quia eo ipso quo homo post adeptum completum & perfectum rationis usum non convertit se ad Deum, velut finem suum ultimum, convertit se ad creaturam, sive ad mundum, coque fruatur, ei inhaeret, ei vivit, diligite amorem prædominante ea quæ mundi sunt. Alienus proinde est ab amicitia Dei, & ut phrasit utar discipuli, quem diligebat Jesus, non est charitas Patris in eo. Neque enim nullum re fruatur, neque nulli rei vivit & inhaeret, velut fini suo ultimo (cum hoc fieri nequeat.) Vel ergo Deo fruatur & inhaeret, vel mundo. Non Deo, ut supponitur. Igitur mundo.

Ultima & præcipua ratio est quia eo ipso quo homo adeptus est perfectum rationis usum, legibus adstringitur naturalibus & divinis. Adstringitur proinde primo maximo mandato. Mandatum verò istud (ut D. Salefius ait loco citato) amorem inter mille amores electum prescribit, quemadmodum eo amore dilectus, electus est inter mille, ut dilecta Sulamitis notavi in Canisco. Est amor, quem omnes amores vincere, & omnibus nostris affectibus regnantis in modum dominari necesse est. Et hoc à nobis exigit Deus, ut sui amor, pra reliquo nostris amori bus, altius cordi impressus, toti cordi praestet ac imperet, ut ardiori affectu totam animam nostram obtineat, & majori amplitudini nostras omnes facultates ad opus adhibeat, ut sit sublimior, omnemque nostram mentem implete, ut denique sit fortior & robustior, omnemque nostram fortitudinem & vigorem exerceat. Et quia, per illum, Deum in supremum nostra mentis obje-

Etum eligimus, amor est summa dilectionis, & electio summi amoris. Quia nempe Dei bonitas omnem aliam bonitatem infinitis partibus antecellit.... In summa est amor excellentia, vel excellentia amoris, qui omnibus mortalibus in genere & in specie, seu generaliter & particulariter unicuique mandatus est, & hoc à primo momento quo incipiunt nisi ratione, amor sufficiens cuiilibet, & necessarius singulis ad salutem. In ista primi mandati expositione Augustino Salefius concinit: utpote qui l. de morib. Eccles. c. 11. summum (inquit) bonum, quod etiam optimum dicuntur, non modo diligendum esse nemo ambigit; sed ita diligendum, ut nihil amplius (imo nihil aequum, ut dicit epist. 155. ad Macedon.) diligere debamus; idque significatur & exprimitur eo quod dictum est, Diliges Dominum Deum tuum ex toto corde tuo, &c. Unde concludit: nihil nobis aliud esse optimum ad quod adipiscendum, postpositis ceteris, festinare oporteat, quam Deum. Quòdque mors anima sit taliter non diligere Deum, sed ei diligendo aliquid vel præponere, vel æquare.

44 Afferimus 2º. in fine etiam virtus rationalis, sive in probabili periculo mortis, hominem sub mortali debere Deum super omnia diligere, velut finem suum simpliciter ultimum. Debet enim Domino mori, sicut debet Domino vivere, secundum illud Rom. 14. Sive enim vivimus, Domino vivimus; sive morimur, Domino morimur: sive ergo vivimus, sive morimur, Domini sumus. Debet etiam tunc maximè ultimo fini suo per amorem conjungere, quando fini illi maximè approximat. Debet item venienti Sponso suo gressu amoris obviām ire. Debet denique tunc maximè sibi per pœnitentiam confulere (fine qua nullus migrare debet ex vita) pœnitentiam autem certam non facit, nisi ordinum peccati, & amor Dei. Qui & aliunde tunc maximè necessarius est, ad munendum cor aduersus graviores tentationes tunc maximè insurgentes. Suam proinde salutem graviter censemus negligere, qui Deum tunc super omnia negligit amare.

45 Afferendum 3º. intermedio tempore, amoris Dei super omnia, seu predominantis actum non posse, sine mortali, notabilis tempore intermitti, sed adeo frequenter exercendum esse, ut morali quadam modo Deum super omnia semper actu vel virtute, diligere censemur, amorque ipsius principem in corde nostro locum semper obtinere. Tametsi enim non teneamur ad continuum istius amoris exercitium (utpote possibilitatem nostram in praesenti superans statu) tenemur tamen eo saltē modo Deum semper habere pro fine ultimo, & ut tales amare, quo avarus quamdiu avarus, pecuniam habet & amat pro fine suo ultimo, ambitiosus honore, libidinosus voluptatem, &c. etiam tunc quando de pecunia, honore, voluptate, &c. actu non

cogitat, vel per horam nihil agit ex amore pecuniae, &c. sed (distractus) de alia re cogitat, camque amat. Eo quippe non obstante semper in dispositione animi, in actum (oblatâ occasione) frequenter prouerpente, pecuniam amat velut finem suum ultimum, &c.

Dixi aetū vel virtute, ad significandum quod non sufficiat Deum velut finem ultimum semper amare in habitu otioso, velut in actum raro prouerpente. Neque enim divini super omnia amoris habitus esse potest taliter otiosus in iis qui finem suum ultimum verè constituant in pecunia, honore, voluptate, cum amor sit vita cordis. Vita vero otiosa esse non potest; ut nec ignis & flamma, cui amor comparatur. Unde Augustinus in Psal. 31. Da mihi vacancem amorem, & nihil operarem. Et in Psal. 121. Habet omnis amor vim suam, nec potest vacare amor in anima amantis. Et Gregorius Homil. 30. in Evang. Nunquam est amor Dei otiosus.... Si operari renuit, amor non est.

Accedit quod habitus otiosos solidā non admittat Philosophia: utpote quæ docet, quod habitus, qui generatur ex actibus, per actus conservatur, & per non usum deficit. Quod potissimum verum est de habitu virtutis, & maximè de habitu charitatis. Quid enim virtus, etiam juxta Philopham? Est, inquit, dispositio perfecta ad optimum, id est ad actionem, seu operationem, uti S. Thomas exponit. Igitur natura suā incers non est & otiosa, sed actua. Virtus (ait S. Thomas 1. 2. q. 55. a. 4.) est bona qualitas mentis, quā recte vivitur, &c. Recte autem vivere, agere est. Virtus (ait Gerson) est bona inclinatio naturalis rationalis ad operationes natura sua congruae laudabiliter exercendum. Ergo inertia & otiositas est contra naturam virtutis. Idque præ cæteris verum est de virtute charitatis, de qua Cantic. 8. Lampades ejus, lampades ignis atque flammarum. Flamma vero, ut dixi, otiosa esse non potest. Quamdiu extra centrum suum est, inquieta est, perpetuoque in motu versus illud. De amore idem dixit Idiota: amoris requies, inquietudo, Vide flammarum (ait Bernardus serm. 4. de verb. Isa.) quasi volantem & stantem simul, nec miraberis jam Seraphim stantes volare, stare volantes. Sed & actuosam charitatem, non otiosam Apostolus exhibet, dicens: Charitas Christi urget nos. Charitas patiens est, benigna est, &c.

Neque ergo otiosos virtutum habitus magis admittit, vel permittit Christiana Theologia, quam Philosophia. Imo si de verbis otiosis rationem reddendam docet, nunquid non de habitibus & talentis otiosis? Quærit

rit Propheta Ps. 23. *Quis ascendet montem Domini?* Et respondet: *Qui non accepit in vano animam suam.* Animam vero suam in vano accipit, qui ipsam virtutum habitibus instructam, otiosam & inertem relinquit. Et de servo inerte, qui talentum suum otiosum reliquit; *ligatis* (inquit Dominus) manibus & pedibus projicit eum in tenebras extiores. Et quomodo cum virtutum habitibus otiani permittimur, qui semper proficer, atque in justitia crescere jubemur? *Veritatem facientes in charitate, crescimus in illo per omnia.* Ephef. 4. *Crescite in gratia, & cognitione Domini nostri, &c.* 2. Petr. 3. Incrementum vero istud in otiositate non est, sed in frequentissimis actibus charitatis, in qua consistit justitia christiana, secundum illud Aug. *Charitas inchoata, inchoata justitia est, &c.*

49 Quid itaque modo dicto super omnia Deus semper sit diligendus (praeter dicta) probatur ex verbis primi mandati, *Diliges Dominum Deum tuum ex toto corde tuo, & ex tota anima, & ex tota mente, quibus jubemur Deum ex toto corde, &c.* arque adeo super omnia diligere, non aliquā, sed omni parte vita sensu dicto. Dicendo quippe *toto corde, totā animā, totā mente, nullam vitam nostrā partem reliquit, qua vacare debet, & quasi locum dare, ut alia re quispiam velit frui,* inquit Augustinus I. 1. de doctr. Christ. c. 22. Enimvero totam vitam exigit, qui totum cor, totam animam, totam mentem creavit, redemitque, nec permittit vel momento quemquam vivere sibi, vel mundo. *Nemo enim nostrū sibi vivit, & nemo sibi moritur.* Sive enim vivimus, sive morimur, semper Domini sumus, semper proinde Domino vivere debemus. Et quia pro nobis Christus mortuus est & resurrexit, tota vita nostra ipsi debita est. In hoc enim Christus mortuus est, & resurrexit, ut & mortuorum & vivorum dominetur. Rom. 14. Et pro omnibus mortuus est Christus; ut & qui vivunt, jam non sibi vivant; sed ei qui pro ipsis moriū est, & resurrexit. 2. Cor. 5. Quid est autem Deo & Christo vivere, nisi ipsum pro fine totius vitae nostrae ultimo habere? Denique Matth. 4. scriptum est: *Dominum Deum tuum adorabis, & illi soli servies.* Nunquam ergo licet creaturæ servire, sive creaturam pro fine ultimo habet. Creaturam vero pro fine ultimo habet, qui quocumque tempore Deum non habet. Quia rationale agens nunquam non habet finem aliquem ultimum. Nunquam proinde non Deum, vel creaturam, ut supradictum est ostensum. Creaturam vero pro fine ultimo habet, eamque super omnia diligit, contra id quod scriptum est ibidem cap. 10. *Qui*

Tom. II.

amat patrem aut matrem plusquam me, non est me dignus. Denique nunquam in corde nostro regnare potest cupiditas. *Regnat autem carnalis cupiditas, ubi, & quando non regnat Dei caritas, uti etiam supradictum est demonstratum.* Per consequens, nisi semper in corde nostro regnare debeat Dei caritas, in eo regnare aliquando poterit carnalis cupiditas.

Et confirmatur 1º. quia ex dictis duo tantum sunt hominum ordines, quorum alii vel justi sunt, Deumque amant usque ad contemptum sui; iusti alii, seipso amantes usque ad contemptum Dei. Semper ergo homo vel justus est, Deumque amans usque ad contemptum sui; vel iugitus, seipsum amans usque ad contemptum Dei. Porro nunquam homini licitum est, sed semper sub mortali illicium, seipsum amare usque ad contemptum Dei. Semper ergo jubetur Deum amare usque ad contemptum sui.

2º. paulo aliter sic: semper homo vel iustus est, & pertinens ad civitatem caelestem; vel iugitus, & pertinens ad civitatem terrestrem. Si primum, in eo regnat caritas, sive amor Dei, usque ad contemptum sui. Si secundum, in eo regnat cupiditas, sive amor sui usque ad contemptum Dei. Interroget ergo se quisque (ait Prosper sent. 221.) quid amet, amore utique regnante seu prædominante, & inventet unde sit civis. *Duas quippe in toto mundo civitates faciunt duo regnantes amores; Hierusalem facit amor Dei, Babylonem amor satani.*

Cæterum dum dicitur, in corde justi regnare charitatem, in corde iusti cupiditatem, sensus non est, quod quidquid facit iustus, faciat ex regnante seu prædominante charitate, & iugitus ex regnante cupiditate. Neque enim in homine, sive iusto, sive iugusto, amor prædominans semper est in actu; neque ex prædominante amore iugitus vel iugitus facit quidquid facit (uti manifestum est in avaro, ambitioso, voluptuoso, in quibus prædominatur amor pecuniae, honoris, voluptatis: qui tamen amor in ipsis non semper est actualis, nec ex ipso ipsis faciunt quidquid faciunt) sed iugitus subinde agit ex cupiditate (licet non prædominante) per mansarios creaturarum amorculos; similiter iugitus subinde agit ex charitate, seu Dei propter se amore, licet in ipso nondum prædominante. Quemadmodum & avarus, in quo prædominatur amor pecuniae, subinde agit ex alio affectu in ipso non prædominante. Et idem est de ambitioso & libidinoso.

Hactenùs de prima, quam n. 30. proposuimus, primi mandati obligatione; nunc de altera dicendum foret, quæ docet, Deum, sub levi obligatione, esse debere finem ultimum cuiuslibet actionis nostræ deliberatæ.

Ff

Verum de ea satis dictum est tomo 1. l. 8.
per totum, ubi copiosissime obligationem
istam exposuimus demonstravimusque.

CAPUT VII.

Momentosā observatione roboratur asserta obli-
gatio primi maximique mandati.

54 EX dictis capite praecedenti manifestum
videtur, immane à veritate, à pietate,
à sacris Litteris, à sanctis Patribus, à recta
ratione aberrare propositiones n. 23. 24.
25. & 27. enarratas, sicut & istam, quam
Socii Anglo-Leodienses, Sanderus & Hyl-
deslaus, in Theſibus tradiderunt 15. Maii
1684. conclus. 27. Charitatis praeceptum in-
cipit obligare postquam quis fuerit sufficienter
instructus de mysteriis fidei: utpote ex qua se-
quitur fieri posse, ut praecepto isto totā vi-
tā numquam teneatur: cùm (juxta Theo-
logos paſſim omnes) fieri possit, ut quis
ab ipso culpa sua de mysteriis fidei nun-
quam totā vitā sufficienter instructus fuerit,
sed totā vitā laboraverit infidelitate purē
negativā erga Christum v. g. ; prout Chri-
stus ipſe videtur innuere, cùm dicit: *Si non
veniſsem, & locutus eis fuſſem, peccatum non
haberent.*

55 Quod cùm ita sit, mirum quid adver-
sus propositiones istas zelum suum non de-
monstrarunt illi, qui pro lemmate haben-
tes, ad maiorem Dei gloriam, ad Romanæ
Inquisitionis Tribunal eas non detulerunt,
ne impian quidem P. Tressi hæresim, sed
piissimam, castissimam, sanctissimamque D.
Augustini de referendis in Deum operibus
doctrinam. Quam dum ab ipsis accusatam
vidi, vix oculis meis credidi. Neque enim
ad eam accusandam divinæ gloriae zelus ip-
ſos movere potuit. Cùm eam non accusarint
cum ædificatione charitatis, vel pietatis,
imò cum scandalo totius Christiani Or-
bis, ita ut unus ex Qualificatoribus ad ex-
amen articulorum accusatorum deputatus,
interrogatus, foret-ne periculum censura
istius propositionis? Responderit: *Si arti-
culus ille censurā aliquā perstringeretur, ad mi-
nimum scandalosus dicitur deberet: esset autem
scandalosum, dicere articulum illum esse scan-
dalosum.* Cum eo & alium istum articulum
accusarunt: *Amor Dei amoris creaturarum
sub mortali semper predominari debet: unde ex
illo semper vivendum; quod non fit per habi-
tus merè otiosos.* Alioquin ejusmodi articulos
detulerunt, velut qui homines adigerent in
desperationem. Quasi verò primum maxi-
mumque mandatum homines in desperatio-
nem adigeret, vel hominibus permetteret
aliquo tempore vitæ suæ moralis vivere sibi,
non Deo, vel finem suum ultimum in ali-
quo constitueret extra Deum, vel amare su-
pra Deum. Quod profectò si aliquo licet
tempore, difficile erit tempus istud deter-
minare, ostendereque, quod non licet vi-

vere sibi toto die, totā hebdomadā, toto
mense, toto anno, toto quinquennio....
Per consequens difficile erit damnatis hiſce
propositionibus aditum precludere: Proba-
bile est ne singulis quidem rigorosè quinque-
niis per se obligare præceptum charitatis erga
Deum. An peccet mortaliter, qui auctum dile-
ctionis Dei semel tanum in vita eliceret? con-
demnare non audemus, &c.

Difficultatem istam auget, tum ingenua 56
confessio Adversariorum, sibi admodum diffi-
cilem affirmant determinationem tem-
poris, quo primum obligat præceptum.
Tum varietas atque ex varietate profecta
exorbitantia circa hoc opinionum ipsorum.
Siquidem, præter damnatas istas proposi-
tiones, aliaſque quas cap. 5. recentiuimus:
Suarez, alioquin plures aint, præceptum
istud graviter obligare aliquoties in vita; sed
quoties? determinare nesciunt. Tametsi enim
dicant, illius executionem diū differri non
posse, quodnam sit tempus istud diuturnum,
determinare non audent. Nisi quid Escobar
Th. Mor. tr. 5. exam. 4. c. 1. cum Henriquez
determinet principium & finem vite mora-
lis, & tempus vite intermedium, saltēm fin-
gulis quinquenniis. Suarez verò solū nega-
tivè illud determinat, aiendo, dictum præ-
ceptum obligare ad non differendum per
multos annos, id est (ut Cominck, Compton-
us, & Unano exemplificant) ad tres vel
quatuor annos. Palao ad tres annos. Andras
Meudo in statuta dissert. 1. q. 13. n. 141.
dicit semel in anno obligare.

Verum enimvero quo fundamento an- 57
nuam ipse obligationem determinat, potius
quā alii biennalem, alii triennalem, &c.?
Quam assert rationem, vel Scripturæ, aut
Sanctorum authoritatem, pro annua obli-
gatione, qua non probet, obligare semel
sextō, quinto, quarto, tertio, secundo,
uno quolibet mense; imò unā quālibet heb-
domadā, uno quolibet die?

Ratio certè, quā Sanchez l. 2. in Decal. c. 58
35. n. 8. cum Soto improbat opinionem co-
rum, quibus placet præceptum hoc solū
obligare semel in vita, quia scilicet lex di-
lectionis Dei totius vite Christianæ fundamen-
tum est, probat non solū pro quolibet an-
no, vel biennio, &c. nec solū pro quolibet
mense, vel hebdomadā, verū & pro
quolibet die, imò pro omni moraliter tem-
pore. Cùm omni die, omnique tempore
ducenda sit vita Christiana; quæ nec es-
tæ nec duci potest absque fundamento vita
Christianæ.

Rectius proinde Joannes Maldonatus in 59
Summula q. 3. a. 1. (quam sub ipsis se
nomine videlicet testatur Marcus Codognatus,
ex facro Minimorum Ordine) docet quid
charitas plus à nobis exigit, nimur ut ita
Deum super omnia diligamus, ut eum non se-
mel & iterum ancesferamus rebus omnibus, sed